

Pengumuman Media

Diembargo sehingga 4.00 petang, Jumaat, 17 April 2020



GURU DAN IBU BAPA TETAP BERDEDIKASI MEMUPUK PELAJAR SEBAGAI RAKAN BAHASA

Sabtu, 18 April 2020 – 311 orang pelajar Bahasa Melayu dari 155 buah sekolah dilantik sebagai Rakan Bahasa tahun ini. Ini termasuk dua orang mahasiswi dari Jabatan Pengajian Melayu di Universiti Nasional Singapura (NUS).

Untuk meraikan pelantikan pelajar-pelajar ini, semua Rakan Bahasa akan menerima e-sijil dan sebuah rakaman video ucapan Puan Rahayu Mahzam, Pengerusi Jawatankuasa Bulan Bahasa, Ahli Majlis Bahasa Melayu Singapura (MBMS), dan Ahli Parlimen GRC Jurong.

“Saya amat berbesar hati melihat guru-guru tetap berdedikasi dan bersemangat untuk terus memupuk minat anak didik mereka untuk memperjuangkan bahasa Melayu walaupun keadaan kini semakin dicabar oleh COVID-19. Saya ingin mengucapkan setinggi-tinggi penghargaan kepada guru-guru kita yang tetap berkomitmen. Amat memberangsangkan juga untuk melihat pelajar-pelajar sendiri berminat dalam mengembangkan pembelajaran dan penghayatan bahasa Melayu. MBMS mengalu-alukan pelantikan semula beberapa pelajar yang pernah dilantik beberapa tahun yang lepas. Tahun ini, kami juga menerima pelantikan adik-beradik dan saudara-mara pelajar-pelajar yang pernah dilantik. Ini merupakan satu tanda positif menunjukkan bahawa ibu bapa dan guru-guru percaya yakin dengan usaha-usaha MBMS,” kata Puan Rahayu Mahzam.

Puan Rahayu juga menggalakkan semua ibu bapa untuk terus menyokong pembelajaran bahasa Melayu anak-anak mereka dan untuk terus memainkan peranan dalam memupuk minat terhadap warisan Melayu melalui penggunaan bahasa Melayu yang kerap dengan anak-anak mereka.

Dalam ucapan khasnya kepada Rakan Bahasa, Puan Rahayu menggalakkan pelajar-pelajar untuk terus mengambil peluang yang disediakan, seperti program-program yang telah dirancang oleh Jawatankuasa Bulan Bahasa. Program-program ini bertujuan untuk menggalakkan pelajar menghargai bahasa Melayu, dan membina keyakinan diri ketika menggunakannya.

Pengumuman Media

Diembargo sehingga 4.00 petang, Jumaat, 17 April 2020



1. Kembara Rakan Bahasa

Kembara Rakan Bahasa merupakan **kad aktiviti** yang mencabar Rakan Bahasa untuk menyelesaikan tugas-tugas berbeza, untuk mengasah kemahiran dan minat dalam bahasa Melayu. Setiap peringkat sekolah (sekolah rendah, sekolah menengah dan institusi pengajian tinggi) akan menerima kad aktiviti khusus, yang mengandungi tugas-tugas berkaitan dengan kemahiran membaca, menulis, bertutur dan aktiviti-aktiviti yang menggalakkan pembelajaran bahasa Melayu. Sebagai tanda pencapaian, Rakan-rakan Bahasa yang menyelesaikan tugas-tugas ini akan menerima lencana eksklusif.

2. Penerbitan Video NewsMaker

Semua Rakan Bahasa akan menerima akaun aplikasi **NewsMaker** tajaan TeeVee. Rakan Bahasa digalakkan untuk menggunakan aplikasi ini untuk menerbitkan video berdasarkan tema-tema yang akan ditentukan oleh Jawatankuasa Bulan Bahasa. Video-video ini akan dikongsikan di laman-laman media sosial MBMS.

Untuk menonton rakaman ucapan Puan Rahayu Mahzam, sila lungsur <https://tinyurl.com/RB20RMS>.

~ ~ ~

Pengumuman Media

Diembargo sehingga 4.00 petang, Jumaat, 17 April 2020



Untuk maklumat lanjut, sila hubungi:

Cik Liyana Nasyita

Penolong Pengerus (Sekretariat, Majlis Bahasa Melayu Singapura)

Bahagian Bahasa

Lembaga Warisan Negara

E-mel: liyana_nasyita_shukarman@nhb.gov.sg

Mengenai Bulan Bahasa anjuran Majlis Bahasa Melayu Singapura

Bulan Bahasa pertama kali dilancarkan pada tahun 1988 oleh Majlis Bahasa Melayu Singapura (MBMS) dan diadakan sekali setiap dua tahun. Sejak 2011, ia menjadi sambutan tahunan yang terus menarik minat, penyertaan dan sokongan masyarakat.

Sebagai inisiatif unggul MBMS, Bulan Bahasa menggalakkan masyarakat menghargai dan menggunakan bahasa Melayu di dalam kehidupan mereka dalam usaha melestarikan warisan masyarakat Melayu.

Untuk maklumat lanjut mengenai MBMS, dan Bulan Bahasa, sila lungsur mbms.sg dan facebook.com/majlisbahasa.